

UNIVERSITI SAINS MALAYSIA

Peperiksaan Semester Kedua

Sidang 1986/87

**HIS 202 - Islam: Hubungan Manusia dengan Manusia  
dan Alam**

---

**Tarikh:** 10 April 1987

**Masa:** 2.45 ptg. - 5.45 ptg.  
( 3 jam )

Jawab **EMPAT(4)** soalan, **DUA(2)** soalan daripada Bahagian A iaitu Soalan No 1 atau Soalan No.2 dan Soalan No. 3 atau Soalan No. 4 dan **DUA(2)** soalan daripada Bahagian B.

Pisahkan Bahagian A dengan Bahagian B, masing-masing jawab di dalam buku yang berasingan! Jangan lupa menulis angka giliran anda pada setiap kulit buku!

Tulis jawapan anda dengan bersih dan kemas!

**BAHAGIAN A - Jawab DUA(2) soalan sahaja**

**SAMA ADA**

1. "Dan tiada Ku jadikan jin dan manusia melainkan untuk mengabdi kepadaKu" (Q.51:56). "Dan sebahagian manusia berkata: Ya Tuhan kami, berilah kami kehidupan yang baik di dunia dan kehidupan yang baik di akhirat, dan peliharakan kami daripada azab neraka" (Q.2:201). "Berbuat-baiklah sepertimana Allah berbuat baik kepadamu dan jangan engkau mencari kebinasaan di bumi; sesungguhnya Allah tidak menyukai mereka yang berbuat kebinasaan" (Q.28:77).

(a) Huraikan maksud ayat-ayat di atas, terutama yang berkenaan dengan matlamat dan sasaran hidup manusia mengikut ajaran Islam!

(b) Kemudian hubungkan dengan sikap manusia yang semestinya dilakukannya terhadap sesamanya manusia dan terhadap makhluk hidup yang lain!

**ATAU**

2. "Kepunyaan Allah apa yang ada di langit dan apa yang ada di bumi..." (Q.2:284). "Dia lah yang menciptakan untuk kamu segala yang ada di bumi..." (Q.2:29). "Berimanlah kamu akan Allah dan RasulNya, dan belanjakanlah sebahagian daripada yang Ia tunjuk kamu sebagai penguasanya (mustakhlafin); maka mereka yang beriman di antara kamu dan mengeluarkan sumbangan, bagi mereka pahala yang besar" (Q.57:7). "Celaka bagi si pencela dan penghina; yang mengumpul harta dan menghitung-hitungnya; ia menyangka bahawa hartanya akan mengabadiannya...." (Q.104).
- (a) Huraikan maksud ayat-ayat di atas terutama hubungannya dengan pengertian dan isi "hak milik" menurut undang-undang Islam!
- (b) Kemudian, huraikan pula tugas kemasyarakatan hak milik mengikut ajaran Islam!

**DAN**

3. Di dalam amalan bank moden dijumpai unsur-unsur riba yang sangat ditentang oleh Hukum Islam.
- (a) Dedahkan unsur-unsur riba yang dijumpai di dalam amalan bank moden tersebut.
- (b) Huraikan bagaimana Bank Islam Malaysia melepaskan diri daripada unsur-unsur riba itu.

**ATAU**

4. Di dalam sistem insuran moden dijumpai beberapa unsur yang bertentangan dengan hukum Islam, seperti: Gharar (perdayaan), maisir (judi), dan riba.
- (a) Beri contoh ketiga-tiga unsur tersebut yang dijumpai di dalam amalan insuran dewasa ini.
- (b) Huraikan bagaimana Syarikat Takaful Malaysia menghindarkan diri daripada unsur-unsur jahat tersebut.

**BAHAGIAN B - Jawab DUA(2) soalan sahaja**

5. Firman Allah dalam surah Yunus (10:44) maksudnya "Sesungguhnya Allah tidak menzalimi manusia walau sedikit pun tetapi manusia sendiri yang menzalimi diri mereka". Beri huraian mengenai kaitan ayat ini dengan perkara-perkara berikut:

- (a) Jurang perbezaan yang jauh dalam aspek pencapaian pelajaran dan kemahiran yang terdapat antara kaum di institusi pengajian tinggi di dalam masyarakat majmuk.
- (b) Nyatakan saranan anda untuk memperbaiki pencapaian pelajar-pelajar lemah dalam bidang pelajaran agar mereka tidak terjumlah dalam golongan manusia yang menzalimi diri.
- (c) Terdapat di kalangan umat Islam perselisihan pendapat mengenai sesuatu isu yang boleh disifatkan sebagai penzaliman kepada diri manusia (perpecahan dan perseteruan). Huraikan bagaimana usaha yang harus dijalankan untuk membuktikan kebenaran maksud firman Allah di dalam ayat di atas dalam konteks mewujudkan perpaduan umat.
6. (a) Sebutkan usaha sama antara kaum yang anda fikir perlu dalam kontek penyusunan masyarakat majmuk berkaitan dengan masalah pembasmian kemiskinan dan mengurang kejahilan berasas kepada maksud firman Allah (49:13) "Wahai manusia, sesungguhnya kami (Allah) mencipta kamu dari benih lelaki dan perempuan dan Kami (Allah) jadikan kamu dalam bentuk berbagai bangsa dan kaum supaya kamu berkenal-kenalan (yakni: bekerjasama dalam usaha-usaha kebajikan demi untuk kepentingan dan kebaikan bersama).
- (b) Beri contoh-contoh amalan Rasulullah s.a.w. dan sahabat-sahabat yang menunjukkan bahawa mereka sangat mengambil berat dan melakukan keadilan dalam hubungan kemanusiaan, kemasyarakatan dan kenegaraan bersama orang-orang bukan Islam.
7. Berhubung dengan adab ziarah, Islam meletakkan garispanduan bertujuan untuk menjaga hak dan kepentingan pihak tuan rumah dan juga tetamu.
- (a) Sebutkan waktu-waktu yang dilarang tetamu mengunjungi tempat kediaman seseorang dalam keadaan ia tidak memberitahu tuan rumah itu atau pihaknya terlebih dahulu. Dan sebutkan juga perkara-perkara lain yang termasuk dalam hukum larangan yang terkandung dalam surah an Nur (24:27) "Wahai orang yang beriman jangan kamu masuk rumah selain dari rumah kamu sehingga kamu memohon pelawaan masuk dari tuannya dan kamu memberi salam kepada ahli-ahlinya".
- (b) Nyatakan hikmah-hikmah Islam yang terdapat dalam suruhan kepada pengunjung memohon izin masuk atau memberitahunya sebelum mengunjungi rumah kediaman seseorang.

- (c) Terangkan kewajipan-kewajipan tetamu menurut Islam ketika berada di rumah orang yang dikunjungi dan disiplin-disiplin yang patut dipatuhi.
8. Piagam Madinah fasal 25 memperuntukkan dua(2) perkara pokok kepada masyarakat majmuk iaitu: kebebasan beragama dan dendaan atau hukuman bagi kesalahan-kesalahan yang membawa makna penzaliman ke atas manusia atau perbuatan-perbuatan jenayah yang mengancam ketenteraman dan perpaduan masyarakat. Perlembagaan itu juga menyatakan bahawa dendaan atau hukuman bagi kesalahan-kesalahan yang berkenaan adalah ditanggung oleh diri pelaku atau keluarganya.
- (a) Selaras dengan akta dalam piagam ini, sebutkan kaedah perundangan Islam yang memperuntukkan kepada pihak penggubal undang-undang, yang wajar bagi sesuatu kesalahan tertentu; seperti denda bagi kesalahan melanggar disiplin di jalanraya dan sebagainya.
- (b) Adakah Islam mengharuskan sesuatu hukuman dijalankan dengan tujuan untuk menyiksa dan menyekat kebebasan umat? Beri hujah syar'i bagi menyokong pendapat tersebut.
- (c) Berhubung dengan pelaksanaan hukum Islam bagi sesuatu kesalahan yang merbahaya kepada umat manusia dan masyarakat seperti: membunuh balas (Qisas) kepada pembunuh dengan sengaja, rotan kepada pezina dan sebagainya. Adakah hukuman-hukuman itu bercanggah dengan konsep kebebasan beragama di dalam masyarakat majmuk? Sebutkan antara bahaya-bahaya zina kepada individu dan masyarakat. Dan sebutkan hukuman bagi orang yang mendakwa seseorang melakukan kesalahan berzina tetapi ia gagal membawa empat(4) orang saksi yang adil untuk membuktikan perkara tersebut.

-0000000-